

Shuruucda Imtixaanaadka

1. Waxaa ardayda lagula tallinayaa iney xaadir ku ahaadaan goobta ay imtixaanka ku galayaan **15 daqiiqo** kahor waqtiga imtixaanka uu bilaabanayo.
2. Waqtiga uu soconayo imtixaanka waa **2 saac**.
3. Arday kasta waa inuu u hogaan samaa amarada qofka ilaalinaya imtixaanka.
4. Hadii ardayga uu kasoo daaho imtixaanka **in ka badan 30 daqiiqo** looma ogolaan doono inuu ufariisto imtixaankaas.
5. Ardaygii kasoo daaha imtixaanka **30 daqiiqo** ama ka yar waxa uu imtixaanka kujiri doonaa inta ka hartay waqtigii loogu tala galay imtixaanka.
6. Ardayga looma ogola inuu ka baxo goobta imtixaanka **45 ta daqiiqo** ee ugu horeysa waqtiga imtixaanka.
7. Arday kasta waa in uu goobta imtixaanka lasoo galo **Clearance card** (in aan wax lacag ah lagu laheyn) iyo **Student ID card** ka uu leeyahay, saarana hortiis si loo hubiyo. Ardaygii ku guul dareysta arinkaasna xaq uma laha inuu imtixaanka u fariisto.
8. Ardayda waxaa ka mamnuuc ah in ey lasoo galaan goobta imtixaanka waxyaabaha soo socda:
 - a. Buugaag.
 - b. Warqado banaan ama ay wax ku qoranyihiin intaba.
 - c. Sawiro, ama wax kale oo ay wax ku dul qoranyihiin.
9. Arday kasta waxaa laga doonayaa in uu damiyo mobile ka, jeebkiisane gashto ama dhigto kursiga hoostiisa, ardaygii la arko mobile kiisa oo daaran ama soo dhaca inta uu imtixaanku socdo waa laga kansali doonaa imtixaankaas.
10. Ardaydu ma wadaagi karaan calculator, qalin iyo wixii la mid ah.
11. Ardaygu waa in uu ku qoraa magaciisa oo sadaxan iyo ID number kiisa warqad kasta oo ka mid ah waraaqadaha imtixaanka (Answer Sheet).
12. Warqadii aan magac laheyn waa la kansali doonaa, ardaygii aan magaciisa ku qorin warqada xaq uma laha inuu ku doodo in uu imtixaanka galay.
13. Ardaygu waa in uu aqriyaa raacaana macluumaadka ku qoran boga 1-aad ee imtixaanka.
14. Ardaygu waa in uu hubiyaa in uu heysto imtixaanka saxda ah ka hor intuusan shaqada bilaabin, hadii uu qalad arkana waa in uu si dhaqso ah ugu gudbiyaa qofka ilaalinaya imtixaanka.
15. Dhamaan qoraalka uu ardaygu sameynayo inta uu imtixaanka socdo waa in uu kusameeyo waraaqadaha la siiyay, mana la ogola inuu ula soo baxo banaanka goobta imtixaanku ka socdo.
16. Ardayga looma ogola in uu la hadlo ama xiriir la sameeyo arday kale inta imtixaanku socdo.



17. Ardayga looma ogola in uu cabitaan ama cunto la soo galo goobta imtixaanka.
18. Ardayda waa in ey soo galaan kana baxaan goobta imtixaanka iyagoo ilaalinaya nidaamka.
19. Ardayga waxaa ka mamnuuc ah inuu qisho ama isku dayo qish.
20. Ardaygii isku daya in uu ku xadgudba xeerarka imtixaanaadka waxa uu wajihi doonaa xeerarka ciqaabta ee jaamacada u dagsan oo ku xiran miisaanka uu leeyahay qaladka uu geystay, ciqaabtaasna waxay noqon kartaa:
 - a. In uu **eber (0)** ka helo maadada uu imtixaankeeda u fadhiyay marka uu xeerarka imtixaanaadka jabinayay.
 - b. In uu **eber (0)** ka helo dhamaan maadooyinka semester kaas uu qaadanayay.
 - c. In laga joojiyo dhigashada jaamacada mudo ay go'aaminayaan maamulka jaamacada.

Xafiiska Imtixaanaadka